



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՈՏԱՅՔԻ ՄԱՐԶԻ
ԱՐՈՎՅԱՆ ՀԱՄԱՅՆՔԻ ՂԵԿԱՎԱՐ**

ՀՀ Կոտայքի մարզ, ք. Արովյան, Բարեկամության հր.-1, 2201, հեռ. (0222) 2-03-65, (060) 447-000, էլ. հասցե abovyan.kotayq@mta.gov.am

16-ը հոկտեմբերի 2023թ.

Արովյան համայնքի ղեկավար Էդուարդ Բաբայանի
շնորհավորական ուղերձը հայ մամուլի օրվա կապակցությամբ

Հարգելի՛ լրագրողներ, հայկական լրատվամիջոցների
աշխատակիցներ.

Հոկտեմբերի 16-ի՝ հայ մամուլի օրվա կապակցությամբ ջերմորեն
շնորհավորում եմ բոլորիդ:

Աշխարհում և մեր հայրենիքում ընթացող ամենատարբեր
իրողությունների մասին հասարակությունը մշտապես տեղեկանում է
լրատվամիջոցներից, վստահում և հավատում իրեն մատուցված
լրատվությանը, ձևավորում կարծիք ու վերաբերմունք, ուստի յուրաքանչյուր
լրատվամիջոցի աշխատանքում առաջնային և սկզբունքային պիտի լինի
օբյեկտիվ ու ճշգրտված տեղեկության հրապարակումը:

Արագ փոփոխվող օրվա լրահոսը հասարակության բոլոր շերտերին
գրագետ և մատչելի ներկայացնելու համար լրատվականներն ահռելի
աշխատանք են իրականացնում. վերջին շրջանում բովանդակային
անդրադարձներով հայ և միջազգային հանրությանն է ներկայացվում
Արցախից բռնի տեղահանված մեր հայրենակիցների խնդիրներն ու
կարիքները. իրազեկման այս ծավալուն աշխատանքները նկատելի և
գնահատելի են:

Մասնագիտական օրվա առթիվ առանձնահատուկ շնորհավորում եմ
«Կոտայք TV» մարզային հեռուստաընկերության պատրաստական ու
ճշտապահ անձնակազմին, որն ակտիվորեն հետևում է համայնքի կյանքին և
մշտապես լուսաբանում տեղի ունեցող նշանակալից իրադարձությունները:
Զանգվածային լրատվամիջոցների ներկայացուցիչներին մաղթում եմ
անխափան եթեր, անաչառ գործունեություն և ստեղծագործական
հաջողություններ:

ՀԱՄԱՅՆՔԻ ՂԵԿԱՎԱՐ

Է. ԲԱԲԱՅԱՆ